

## Gryphius, Andreas: 27. (1640)

- 1 Du Jessen grosser Sta i/ gleich ob er gantz erstorben
- 2 Schier ohne Zweige stund/ wuchs eine Rutten vor
- 3 Vnd trug die hohe Frucht das Heil der Welt empor
- 4 Die alles lebend macht/ was in den Tod vertorben
- 5 Auff dieser ruht der Geist/ der ewig Gott gewesen.
- 6 Der dreymal weise Geist: der enig diß versteht/
- 7 Was niemand lernen kan/ der Felß vnd Berg' erhöht/
- 8 Vnd Meer vnd Welt angab/ durch den was schwach genesen/
- 9 Durch dehn wird Davids Kind/ nicht nach dem ansehen richten.
- 10 Nicht nach deß Pövels Wort/ er wird der Armen Recht/
- 11 Der müden Tröster seyn/ er wird was krum' ist schlecht/
- 12 Was dunckel offenbar/ was langsam eilends schlichten
- 13 Er ist den Rosen gleich sein Scepter stärckt vnd bricht
- 14 Gleich wie ein Rosen-Zweig wol reucht/ vnd hefftig sticht.

(Textopus: 27.. Abgerufen am 23.01.2026 von <https://www.textopus.de/poems/54502>)